

Hozciz: Dujva Ciepswnj Minzcuz Vwnz-va Youq Ndaw Hagdangz Angjgyang

河池：民族文化遗产之花在壮乡小学绽放

Hozciz Si dwg dieg gwzming laujgih, hix dwg dieg lai aen minzcuz comzyouq. Vihliux gyagiengz minzcuz vwnzva yungzhab、fazcanj, Hozciz Si Ginhcwngzgyangh Gih Daihhaj Siujyoz guh aen hozdung minzcuz conzdungj vwnzva yaubwnj gocwngz “caeuq ginghdenj caemh byaij, caeuq yisuz doxbuenx”, aen hong neix ndaej lied haeuj Gvangjsih goekdaej gyauyuz “cauxmoq ganqvunz mozsi” sawqniemh yenzgiu hanghmoeg. 11 nyied 9 hauh, aen “cauxmoq ganqvunz mozsi” sawqniemh yenzgiu cwngzgoj baijyienh hozdung neix youq Daihhaj Siujyoz gawjhengz, 32 boubx hagseng Boubxcuengh、Yauzcuz、Boubxgun、Mauznanzcuz、Mulaujcuz youq gwnz fukveh 《Mbanjranz Gyaeundeï · Hagdangz Gyaeundeï》miz 16 mij raez haenx veh veh, baijyienh le gij gwndaenj ndei gak cuz lwgnyez youq ndaw hagdangz gyaeundeï neix doxgiel doxhuz、angqyangz doegsaw、vaiqvued majhung.

(Gauh Dunghfungh Cinz Yanghyangh)



▲ Gak cuz lwgnyez caezgya youq gwnz mbawveh 《Ranzmbanj Gyaeundeï · Hagdangz Gyaeundeï》miz 16 mij raez neix veh dozveh.

► Gak cuz lwgnyez roq nyenz ciengq go diuq foux.



Gunghcwngz:

Yauzcuz Couxbawx Nauhyied Lai

恭城：独特的瑶家迎亲

Gunghcwngz Yauzcuz Sweiyen miz Yauzcuz、Boubxgun、Boubxcuengh、Myauzcuz daengj 19 aen minzcuz caez youq, ndawde Yauzcuz miz 14.8 fanh vunz. Yauzcuz beixnuengx miz haujlai fungsug daegbied gig yinx vunz. 11 nyied 17 hauh, Gvanhyinh Yangh Suijbinh Cunh Mbanjyanghbuh Yauzcuz beixnuengx gawjhengz ciengz yizsi coux bawxmoq ndeu, aen doih couxbawx vunz lai raixcaix, gij fungsug daegbied haenx yinx haujlai bouxyouz daeuj yawj.

(Cauh Vaz)



▲ Youz boubx-laux ndaw mbanj youq naj ranz gwizmoq gaj gaeq, aeu lwedgaeq gyaep fangz.

◀ Vunzmbanj lanz giuh bawx-moq, gingq caz hawj bawxmoq gwn.

Majsanh:

Rumzhwx Gvaq Le Nyaengq Sou Haeux

马山：台风过后收获忙



▲ Majsanh Yen Bwzsanh Cin Mbanjminzsinh Loz daxbuz hoij dak haeuxyangz.

Rumzhwx “haijyen” gvaq le, gih raeuz dienheiq bienq raeuj, mbwn bienq rengx, gak dieg nungzminz cungj nyaengq dwk sou haeuxgok、haeuxyangz, baujcingq dawz naednaed haeux sou haeuj ndaw cang. Majsanh Yen Bwzsanh Cin Mbanjminzsinh bineix haeuxyangz ndaej fungsou, gyoengq nungzminz aen mbanj neix seizneix nyaengq sou haeuxgok、haeuxyangz. Haeux ndaej fungsou, nungzminz angq-vauvau.

(Vangz Yaubangh)

Makndae Bingzloz Hoengzfwdfwd

平乐柿饼红艳艳

Bingzloz Yen bineix makndae youh ndaej demsou. Ndaw yienh Wdangz Cin hawciengz bingmakndae dwg Gveilinz Si aen hawciengz bingmakndae cei q hung ndeu, ngoenz gai bingmakndae 500 dun. Bingmakndae gai bae daengz Gvangjdungh、Sanghaij、Baekging、Denhcinh、Sinhgyangh、Sanhdungh、Haijnanz daengj dieg, caemh gai bae Dunghnazyia、Yizbwnj、Hanzgoz daengj guekgya caeuq digih. Mboengqneix, cingq dwg seiz dak bingmakndae. Makndae ndaej demsou, nungzminz sim angqyangz.

(Bingzloz)



▲ Gyoengqvunz nyaengq genj bingmakndae.